



INFORME

DIRIXIDO A: SECRETARIA

EMITIDO POR: Carmen Mariño Padín, directora do S.P.A.D.

ASUNTO: Necesidade de licitación do contrato de prestación de servizos consistentes na realización dun obradoiro de cerámica e técnicas artesanais no SPAD e insuficiencia de medios.

DATA: febreiro de 2024

Dende a área de Dirección do Servizo Preventivo Asistencial de Drogodependencias emítese informe co obxecto de iniciar os trámites da licitación do contrato para monitor de obradoiro de cerámica e técnicas creativas artesanais.

OBXECTO DO CONTRATO.

É obxecto do contrato do servizo de obradoiro de cerámica e técnicas artesanais no S.P.A.D. (Unidade de Día) de Vilagarcía de Arousa, destinado a pacientes a tratamento no mesmo.

NECESIDADE A SATISFACER

1. Corresponderalle ao S.P.A.D. :
 - O establecemento das condicións de acceso e permanencia no obradoiro.
 - A tramitación dos procedementos de solicitude de participación na actividade.
 - Determinación dos pacientes admitidos.
 - Resolución, en xeral, de todas as incidencias relacionadas co réxime interno do Servizo.
2. O persoal que preste o servizo non terá en ningún caso vinculación xurídica nin relación laboral co Concello de Vilagarcía de Arousa, xa que ostenta a calidade de autónomo.
3. O obradoiro levarase a cabo nas instalacións da Unidade de Día do S.P.A.D.(Juan Carlos I Nº 37-Baixo, 36.600 Vilagarcía de Arousa).
4. Os **obxectivos** do Obradoiro son:
 - A formación de carácter xeral dos asistentes a obradoiro en técnicas cerámicas así como técnicas artesanais diversas.
 - A mellorar a capacidade de cada usuario en canto a habilidades, actitudes e competencias manipulativas, incluíndo o desenvolvemento de habilidades motrices finas e grosas.
 - A utilización do traballo en grupo como factor de socialización.
 - A procura do desenrolo de hábitos de orde, limpeza e responsabilidade.
 - fomento da iniciativa e a creatividade individual e grupal dos participantes.
 - A promoción do desenvolvemento de intereses persoais que permitan completar o proxecto vital do paciente.
 - A mellora da atención e concentración moitas veces danada pola propia adicción.
 - Fomento do compromiso social dos usuarios.



- A sensibilización e compromiso das distintas entidades co problema da adicción.

ORGANIZACIÓN E FUNCIONAMENTO DO SERVIZO.

Criterios xerais

1. Os contratistas presentarán unha “Proposta Técnica” de desenvolvemento do obradoiro na que se detallarán as actividades a impartir, especificando os seus contidos e metodoloxía.
2. O órgano competente do S.P.A.D. determinará, unha vez realiza a inscrición dos usuarios, o horario semanal do obradoiro.

DURACIÓN E CONTÍA DO CONTRATO

1. O contrato terá unha duración de 12 meses (4,5 horas semanais), prorrogable polo mesmo tempo, ata un máxima de 3 prórrogas (duración máxima do contrato 4 anos, incluídas as prórrogas).
2. O orzamento anual elevaríase a 12.636,00€ (IVE excluído)
3. O valor estimado do contrato é de 50.544€ € (exento de IVE).

PROCEDEMENTO E CRITERIOS DE ADXUDICACIÓN

O contrato ao que fai referencia a presente memoria é, polo seu obxecto, un contrato de servizos tal e como contempla o artigo 17 da Lei 9/2017, de 8 de novembro, de Contratos do Sector Público (LCSP).

O procedemento de adxudicación será mediante procedemento aberto e tramitación ordinaria de conformidade co establecido no artigo 156 da Lei de Contratos de Sector Público.

Criterios de adxudicación

Conforme ao disposto na LCSP e ao anteriormente establecido, a adxudicación realizarase en base a unha pluralidade de criterios que buscan a mellor relación calidade-prezo.

As ofertas dos licitadores valoraranse ata un máximo de **100 puntos**, conforme aos criterios obxectivos de adxudicación, ordenados por orde decrecente de importancia, que a continuación se indican e coa ponderación sinalada ó lado de cada criterio.

A.- Aspectos avaliados automaticamente: Valoraranse ata un máximo de **51 puntos**.

A.1) Menor prezo ofertado polo licitador: Valorarase ata **25 puntos**.



A puntuación calcularase de acordo coa seguinte fórmula:

$$\text{Puntos} = \frac{(\text{prezo licitación} - \text{oferta a valorar}) \times \text{puntuación máxima}}{(\text{prezo licitación} - \text{oferta máis económica})}$$

A.2). Dispoñer, o persoal que se vaia adscribir ao servizo, do certificado de Docencia da formación profesional para o emprego (Certificado de Profesional del Formador Ocupacional, o Formador de Formadores, na súa denominación anterior) ou Máster Universitario en Formación del Profesorado (anteriormente Certificado de Aptitude Pedagógica). Outorgáraselle 26 puntos ao licitador que dispoña deste título, que se deberá acreditar no presentación da oferta.

B) Aspectos non avaliados automaticamente: Valorarase cun máximo de 49 puntos.

B-1) Proposta técnica: valorarase ata un máximo de 49 puntos.

Os licitadores deberán presentar unha **proposta técnica** sobre o proxecto a desenvolver na cal deberán especificarse, como mínimo, os seguintes aspectos:

- Metodoloxía e secuenciación das actividades. Valorarase ata un máximo de **20 puntos**
- Sistemas de avaliación, seguimento e control, **ata 9 puntos**
- Adaptación do programa formativo ao entorno no que se levará a cabo o servizo, destinado a pacientes do Servizo Preventivo Asistencial de Drogodependencias. Valorarase ata un máximo de **20 puntos**.

MEDIOS HUMANOS

1. O contratista deberá adscribir á execución do contrato unha persoa que reúna os seguinte requisitos mínimos:
 - Carta de artesán: cerámica
 - Ter unha experiencia mínima de 1 ano na impartición de obradoiros similares a colectivos con necesidades especiais (drogodependentes, persoas en risco de exclusión social, educación especial, adultos con discapacidade, etc.)
2. O interlocutor do SPAD co adxudicatario será fixado polo Concello.
3. O adxudicatario estará obrigado ao cumprimento das normas en materia de protección e tratamento de datos de carácter persoal e co respecto a confidencialidade e ao segredo profesional sobre os pacientes.

INSUFICIENCIA DE MEDIOS

O Servizo Preventivo Asistencial de Drogodependencias (S.P.A.D.) do Concello de Vilagarcía de Arousa presta atención socio-sanitaria a persoas con problemas derivados do uso de drogas e outras adiccións.



O S.P.A.D. conta persoal especializado en Traballo Social, Psicoloxía Clínica, Médico con especialidade en drogodependencias e, dentro das labores realizadas polo mesmo, está a de emitir informes de evolución para os xuíces, servizo do menor, servizos sociais, etc. Así mesmo, conta con outros profesionais como Educadores Sociais, DUE, Auxiliar de Clínica e Aux. Administrativo.

A Lei 9/2017, de 8 de novembro, de Contratos do Sector Público establece, no seu artigo 116.4, a obriga de xustificar adecuadamente no expediente, no caso dos contratos de servizos, o informe de insuficiencia de medios.

Visto o obxecto do contrato e os perfís profesionais, anteriormente indicados, do persoal do Servizo Preventivo Asistencial de Drogodependencias (S.P.A.D.), queda xustifico que o Concello de Vilagarcía de Arousa non conta co persoal preciso (en canto a cantidade ou especialización) para a execución directa por esta administración dos servizos obxecto do contrato, necesarios para favorecer a formación e reinserción dos pacientes deste servizo.

En base ao anterior, faise necesario proceder á licitación do contrato de servizos consistentes na realización dun obradoiro de cerámica e técnicas artesanais no S.P.A.D.

Carmen Mariño Padín
S.P.A.D.